

Depistaj Jenetik Bebe ki Fenk Fèt pou Sante Piblik Kisa ou Dwe Konnen Aprè Bebe W Rive



Lalwa nan nivo eta a egzije chak bebe ki fèt nan Indiana sibi depistaj pou bebe ki fenk fèt. Bebe ki fèt twoub kapab sanble e aji tankou tibebe ki an sante men yo ka petèt fè kondisyon medikal ki te ka lakòz maladi grav, reta devlopman, oswa menm lanmò.

Depistaj pou bebe se yon seri twa depistaj ki idantifye plis pase 30 kalite twoub. Twa depistaj yo fèt nan enstalasyon akouchman an 24-48 èdtan apre w akouche. Ou ka aprann plis bagay sou twa depistaj yo anba a epi skane kòb QR la pou plis enfòmasyon.

Depistaj Tach San Sèch (*Dried Blood Spot*) (DBS)

Yon depistaj tach san sèch (*dried blood spot*) (DBS) se yon tès san ki rapid ak senp ki fèt lè yo pike bebe w nan talon pye li. Yo kolekte ti tach san apre akouchman nan pike talon pye bebe a epi mete san an sou yon papye filtre espesyal. Yo voye san sa a, ki rele tach san, nan laboratwa depistaj bebe ki fenk fèt kote yo tou teste li pou plis pase 30 kondisyon jenetik ki ra, men ki ka menase lavi. Founisè swen sante pitit ou pral ba w rezilta yo lè yo disponib. Nòmalman se pandan premye konsiltasyon byennèt li.



Depistaj Kadyopati Konjenital Kritik (*Critical Congenital Heart Disease*) (CCHD)

Depistaj kadyopati konjenital kritik (*critical congenital heart disease*) (CCHD) se yon tès rapid, ki pa fè mal epi ki dou ki fèt atravè oksimetri batman kè pou mezire konbyen oksijèn yon bebe genyen nan san li ak sante kè ak poumon bebe a. CCHD se yon tèm laj ki refere ak plizye diferan defo kadyak; yo kapab detekte sèt kalite CCHD diferan avèk depistaj oksimetri batman kè. Chak nan defo kadyak sa yo mande trètman, ki souvan enplike chirijiri, pou korije yo yon ti tan apre bebe a fèt. Si yon bebe fè CCHD e li pa jwenn trètman rapidman apre li fèt, lè sa bebe a gen plis chans pou li devlope rezilta sante grav,

Depistaj Odisyon

Yo dwe fè depistaj pou odisyon bebe w anvan yo lage li lopital oubyen anvan li gen laj youn mwa. Depistaj odisyon sa a pral è si bebe w tandè kòm nòmal oubyen si yo dwe fè plis tès. Li rapid, fasil, epi li kapab fèt pandan bebe w ap dòmi. Pèt odisyon kapab retade kòman bebe w aprann pale e sèvi ak langaj. Nan Indiana, gen yon bebe ki fèt avèk pèt odisyon anviwon chak de jou. Si bebe w fè pèt odisyon, genyen sèvis ak resous ki disponib pou ede pitit ou ak fanmi w. Gen etid ki fèt ki demontre ke bebe yo idantifye ki fè pèt odisyon anvan yo gen laj 3 mwa epi jwenn èd anvan yo gen laj 6 mwa kapab aprann epi itilize langaj menm jan ak lòt timoun.

Enpòtans nan Chwazi yon Pedyat

Chwazi yon doktè anvan bebe w fèt kapab fè w evite anpil estrès epi asire ti pitit ou a jwenn pi bon swen an depi kòmansman vi li. Asire enstalasyon akouchman w oubyen founisè akouchman w genyen non doktè bebe w ak kowòdone li. Yo pral pataje rezilta depistaj bebe w avèk doktè bebe w. Si bebe w bezwen fè plis tès, doktè bebe w pral kontakte w pou pale w de pwochen etap yo.

**Ou vle plis enfòmasyon?
Kontakte nou!**

NewbornScreening@health.in.gov

Pwogram Depistaj Bebe ki Fenk Fèt ak Jenomik
Ministè Sante Indiana
www.NBS.in.gov
telefòn: 888-815-0006

Pwogram Deteksyon ak Entèkansyon Odizyon Prekos
Ministè Sante Indiana
www.Hearing.in.gov
telefòn: 317-232-0972

Rezilta Depistaj Bebe W



Bebe w _____ ki fèt _____
(non) (dat nesans)
te fè depistaj sa yo nan _____
(non lopital/klinik la)

Rezilta depistaj tach san sèch bebe w:

Si tout bagay parèt nòmal, yo voye rezilta yo bay founisè swen sante bebe w. **mande pou rezilta bebe w nan premye konsiltasyon bebe w!** Si ka genyen yon pwoblèm, laboratwa a pral rele founisè swen sante bebe w. Depistaj sa a kapab sèlman endike si bebe w **kapab petèt** genyen yon pwoblèm sante; nou poko ap konnen jiskaske bebe w sibi plis tès. Founisè swen sante bebe w pral pale avèk ou sou kisa ki bezwen fèt apre sa. **Gade bwochi "Apre Depistaj Bebe ki Fenk Fèt" la pou plis enfòmasyon sou konsantman ak estokaj tach san sèch.**

Rezilta depistaj CCHD bebe w:

☐ **Reyisi** – Bebe w pa demontre okèn siy nivo oksijèn diminye nan san li epi li pa pwobab li fè yon CCHD men kontinye veye kèlkeswa sentòm.

☐ **Pa reyisi** – Bebe w demontre nivo oksijèn diminye nan san li epi li kapab petèt fè yon posib CCHD. Refere ak doktè w oubyen kadyològ ou pou pwochen etap yo avèk tès dyagnostik atravè yon ekokadyogram.

Si li reyisi depistaj CCHD a, kontinye ap veye pou wè sentòm konsa yo pou kèlkeswa CCHD ki devlope ta apre li lage lopital. **Si w remake nenpòt nan sentòm sa yo, se pou w rele doktè w.**

- Pèdi koulè po an sante
- Po bouch li yon ti jan ble
- Respire rapid oswa ak difikilte
- Figi, men ak pye li anfle
- Mal pou pran pwa

Rezilta depistaj odisyon bebe w:

Dat: _____ **Zòrèy gòch:** *Reyisi Pa reyisi* **Zòrèy dwat:** *Reyisi Pa reyisi*

☐ **Reyisi:** Li plis pwobab bebe w tande kòmsadwa.

☐ **Reyisi avèk faktè risk:** Yon odyològ pedyat dwe fè tès odisyon pou bebe w lè li rive laj 9-12 mwa akòz faktè risk pou:

☐ **Pa reyisi:** Bebe w bezwen fè tès odisyon swivi.

Nou pwograme yon re-depistaj anbilatwa pou bebe w nan dat _____

Yon odyològ pedyat dwe fè tès odisyon dyagnostik pou bebe w nan lespas 3 mwa.

Non/Kote Odyològ la: _____

Telefòn: _____ Lis odyològ pedyat: www.hearing.in.gov